



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 55. Templarii supprimuntur.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Secul. XIV.
A.C. 1311.

Genuensibus Turcas adiit, stimulavitque, ut retinerent ducentas quinquaginta triremes Rhodias commercii causa suis in portibus hærentes. Genuenses etiam dicebantur cum Turcis Græcisque, ut Hospitalariis Rhodum eriperent, pactiones conflasse; pluresque horum Equitum captos & coniectos in vincula ad pendendum redemptionis pretium compulsisse. Papa delatis ad se querelis Genuenses per epistolam monuit, ut plecterent harum violentiarum authores, illosque, qui de foedere cum schismaticis, cæterisque fidei hostibus auderent loqui. Dabat 20 Nov. 1311.

§. LV.

Templarii supprimuntur.

Baluz. 1.
p. 58. 45.

Papa semper agebat Viennæ: ubi post primam Concilii sessionem per reliquum anni tempus fiebant colloquia de rebus ibi decidendis, præsertim de causa Templariorum. Legebantur tabulæ contra hos confectæ: & cum Papa Præsules singulos rogasset sententiam, inter eos convenit defensiones Equitum audiendas esse. Hæc erat sententia Italiae, Franciæ, Hispaniæ, Germaniæ, Daniæ, Angliæ, Scotiæ, ac Hiberniæ Præsulum, præter unum Italicum, ac tres Gallicos Remo-

Remorum, Senonum, & Rothomagi Archiepiscopos: & ista deliberatio ineunte Decembri est habita.

Sequente anno 1312 hebdomade sacra die Mercurii 22 Martii Papa Clemens, posteaquam multos Præsules cum Cardinalibus in secretis Consilii sui conclave ad se venire iusserat, militarem Templariorum Ordinem dissolvit & sustulit ad modum provisionis potius, quam damnationis; eorum corpora bonaque suo ac Ecclesie arbitrio reservans. Tertio Aprilis erat altera Concilii Vienneensis sessio: in qua Clemens Templariorum Equitum suppressionem edixit presentibus Rege Francie Philippo Pulchro, qui rem curae habebat, illius fratre Carolo Valesio, ac tribus ejusdem filiiis Ludovico Rege Navarræ, Philippo, & Carolo. Ita deletus est hic Ordo, qui steterat centum octoginta quatuor annis, postquam in concilio Trecensi approbatus fuerat anno 1128. Extinctionis litteræ non sunt expeditæ nisi sexta Maji, qua solutum est concilium: & Papa ibi dicebat se illas edidisse non ad modum sententiæ definitivæ, qualem ferre haud posset ex præscripto juris secundum inquisitiones actionesque; sed ad modum provisionis ac decreti apostolici.

VIX
Sæcul. XIV.
A. C. 1312.

P. 58. 75.

Sup. lib. 67.
§. 55.

Rayn. 1312.
n. 3.

A a a 2 Quia

Sæc. XIV.

A.C. 1312.

Bal. I. p. 36.

Quia Templariorum bona ad auxilia terræ sacræ subministranda spectaverant, Papa cum Concilio diu consultavit, quid de bonis illis statuerent congruenter primæ destinationi. Tandem decreverunt ea dare Hierosolymitanis S. Joannis Equitibus Hospitalariis; qui sicut Templarii, Palæstinæ ac fidei contra ethnicos tuendæ se consecrassent. At excipiebantur bona, quæ in Hispania, scilicet in Castella, Arragonia, Lusitania, & Balearium Majore sita erant; & primum reservata Papæ arbitrio, dein applicata sunt ad regionem propugnandam contra Mauros, qui regnum Granatense adhuc tenebant. Diploma, quo bona Templariorum Hospitalariis tradebantur, datum est 2 Maji. Ad Templarios ipsos quod attinet, quosdam nominatim Papa suo judicio reservavit: reliqui omnes provinciæ cujusvis concilio relinquebantur pro ratione causarum judicandi. Infantes decenter pro statu suo alerentur de bonis Ordinis. Errata sua facti haberentur leniter. Expertes poenitentiae ac relapsi severas darent poenas. Tormenta sine confessione passi detinerentur judicandi secundum canones. Sejuncti alius ab alio dominibus Ordinis, vel hujus sumptibus in cœnobis includerentur. Nondum interrogati

gati, quippe non comprehensi hactenus, & fugitivi publice jubebantur intra unius anni spatium Episcopis suis se ipsos sistere per concilia provincialia judicandos.

Secul. XIV.
A. C. 1312.

§. LVI.

Finis actionum contra Bonifacium.

Actiones contra memoriam Bonifacii VIII finitæ sunt hoc in concilio: ubi tres Cardinales, Richardus Senensis Legum, Joannes Namurcensis Theologiae, ac Frater Gentilis Canonum Doctores hujus Papæ innocentiam probarunt coram Rege Philippo & Consiliariis ejus; ac duo Equites Catalani ad ineundam hoc fine pugnam se obtulerunt. Quæ res teste historico Joanne Villano Regem regiasque partes in ruborem dabant. Concilium declaravit Papam Bonifacium fuisse catholicum, & nullo se modo affinem hæresi reddidisse. Sed Regis placandi gratia Papa decreto sanxit, ne Philippo aut successoribus ejus objici possent unquam, quæ contra Bonifacium vel Ecclesiam fecisset.

*J. Villani
l. 9. c. 22.*

COM